



Jesus ons Verlosser leef! Ons reik uit oor alle grense.

8 SEPTEMBER 2019

GEMEENTEBULLETIN

STELLENBERG-GEMEENTE

021 976 4519 (kerkkantoor)

021 975 1044 (jeugkantoor)

021 910 3900 (feesmark)

021 976 8029 (SOS)

www.stellenberg.co.za

navrae@stellenberg.co.za

EREDIENSTE

KWARTAALTEMA
Ons leef in God se
KONINKRYK

OGGENDDIENSTE

Alles behoort aan
die Here.

Levitikus 25:1-12

BLOKDIENS

'n Lewe in ritme
met God se
skepping.

Levitikus 24 &
Galasiërs 5:1

MEDITATIEWE DIENS

Lament en treur in
die koninkryk van
God.

JEUGDIENS

Couch Tuner

DEURKOLLEKTE

VGK Vosburg

8 September

15 September

09:00	Kerk	Oggenddiens	Ds. Potgieter	2	Ds. Visagie	3
09:00	Kleinsaal	Gesinsdiens	Ds. Ackerman	6	Ds. Breytenbach	7
09:00	Kapel	Meditatief	Ds. Dietmann	-	Ds. Dietmann	-
09:00	Grootaal	Blokdiens	Ds. Breytenbach	-	Ds. Potgieter	-
18:00	Kerk	Jeugdiens	Ds. Ackerman	-	Ds. Ackerman	-
19:00	Kapel	Aanddiens	Ds. Potgieter	13	Ds. Visagie	11

EKOLOGIE-KOMPETISIE

Die aarde se gelowiges se verantwoordelikheid om ons natuurskoon te bewaar, is vir die kerkraad 'n groot prioriteit. Daarom word 'n kompetisie uitgelooft waarin ons lidmate uitdaag om met 'n kreatiewe voorstel vorendag te kom oor hoe Stellenberg-gemeente prakties tot bewaring kan bydra. Die wenner sal 'n groot stamplant van die spekboomfamilie, met komplimente van die Kweek-vir-die-Here-span, ontvang. Stuur jou voorstel na navrae@stellenberg.co.za, of skakel 021 976 4519.

GEBEDSBYEENKOMS TEEN GEWELD IN S.A.

Ons nooi alle lidmate om Dinsdag 10 Sept 18:30 in die kapel in te skakel by 'n spesiale gebedsbyeenkoms vir die heersende geweld en misdaad in Suid-Afrika. Kom vir solank was wat jy wil.

Groot dank aan lidmate wat die Vosburg-Karooouer deur skenkings en aankope ondersteun het. Ons is ook dankbaar teenoor die Vosburg-komitee en helpers wat hard gewerk het om die geleentheid moontlik te maak. Ons vertrou dat ons 'n tikkie hoop aan die Vosburg-gemeenskap kon besorg.

[ON S LUISTER NA GOD]

Bladsy 2

JEUGDAGBOEK

- JUNIOR KLEINGROEPE: 10:00 na afloop van die eredienste.
- JEUGDIENS: 18:00 tot 18:50. Kwartaaltema: *Couch Tuner*
- SENIOR KLEINGROEPE: Na die jeugdiens, 19:00 tot 19:30.
- RELEVANT: Dis vir jong volwassenes. Ons luister 15 min. lank na 'n aanbieding en gesels dan saam oor die onderwerp. Woensdagaande 19:00 in die jeuglokaal.

SENIORWEEK 15 TOT 18 SEPTEMBER

Al die seniors word uitgenooi na ons lag-ervaar-en-beleef-week.

Sondag 15 Sept. 09:00 kerk

Oggenddiens met tee en eetgoed, na die diens, in die teetuin.

Maandag 16 Sept. kleinsaal

- 09:00: Rian Truter, motiveringspreker en eertydse skoolhoof. Tema: Die onderste helfte.
- 09:45: Verversings
- 10:00 Betsie Heyns en haar groep lyndansers. Kom leer iets van lyndanse en probeer dit self.
- 11:45 Derick van der Merwe (voormalige hoofbestuurder van die V&A Waterfront) kom gesels oor die begin en ontwikkeling van die V&A Waterfront.

Dinsdag 17 September kleinsaal

- 09:00 Fanie van Vuuren van Nagaland Coffee kom deel sy kennis oor koffie met 'n koffieproe en verversings.
- 10:00 Martiens van Bart (kultuurhistoriese kenner). Onderwerp: Die weggesteekte skatte van Jan van Riebeeck.
- 11:00 Wena Moelich: Sanger en woordkunstenaar

Bogenoemde byeenkomste is alles gratis.

Woensdag 18 September – Uitstappie

Ons besoek die Dylan Lewis-buitelugkunsgalery, Stellenbosch. Dit is 'n buitengewone artistieke belewenis, maar jy moet gemaklik teen trappe en 'n bult kan stap. Koste R80 met tee en soetheid ingesluit. Besprekings by kerkkantoor ontvangs 021 976 4519 teen Maandag 16 September. Vertrek 09:00.

KATEGESE

KLEINGROEPE

- Graad 1: Kleinsaal
- Graad 2 en 3: Grootaal
- Graad 4: Bovertrek
- Graad 5 en 6: Kerk
- Graad 7: Jeuglokaal
- Graad 8: Markplein
- Graad 9: Bovertrek
- Graad 10: Grootaal
- Graad 11: Kleinsaal

GEBEDSGROEPE

Die volgende gebedsgroepe kom weekliks bymekaar. Skakel gerus in soos dit jou pas.

- Vrouegebedsgroep Maandagoggende om 09:15 in die kapel.
- Asemskep-gebedsgroep Dinsdagaande om 18:30 in die kapel.
- Mannegebedsgroep Donderdagoggende om 06:00 in die kafeteria.

GEMEENTENUUS PER E-POS & WHATSAPP

Stuur 'n e-pos na sanel@stellenberg.co.za om die Bulletin, Samari-taan en Stellenberger per e-pos te ontvang, of *WhatsApp* jou naam en selfoonnommer na Sanel by 083 611 4720 om die bulletin op jou selfoon te ontvang.

JOU KIND EN SOSIALE MEDIA

Maak jou kind digitaal veilig. Kom luister na die aanbieding oor die invloed van sosiale media op Saterdag 12 Oktober vanaf 09:00 tot 12:00. Koste R120 per persoon sluit ligte eetgoed in.

Spreker: Nedine Blom, sangeres en skrywer.

Besprekings: Anneke, sos@stellenberg.co.za/021 976 8029.

STELLENBERG FINANSIES

Ons poog om maandeliks terugvoer oor ons gemeente se finansies te gee. As ons ons uitgawes in **drie kategorieë** verdeel, is die verdeling van die begrote inkomste van R10,7 miljoen vir 2020 soos volg :

- **UITBOU** (fokus na buite) **32%**
- **OPBOU** (fokus binne gemeente) **40%**
- **ONDERSTEUNING** (administrasie en eiendomme) **28%**

Tans dra ongeveer 600 lidmate (uit die 4 342 lidmate) op 'n maandelikse basis (d.m.v. maandelikse dankoffers) by tot die werksaamhede van die gemeente. Meer besonderhede in die nuutste Stellenberger.

KWEEK-VIR-DIE-HERE

Die Kweek-vir-die-Here-span bied op Sondag op 15 September om 10:00 weer 'n plantetafel aan. Neem 'n plantjie in ruil vir 'n donasie.

MEDITATIEWE DIENS 15 SEPT 09:00

Petrus Kruger kom speel die tjello en ons gaan saam na gedigte luister en kerse aan steek. Ons dink saam na oor die koninkryk van God en vier daarna die nagmaal.

EDELWEISS

BYBELSTUDIE

Donderdag 12 Sept. 15:00
en 15:45

Spreuke 2: Wat wysheid
doen en keer . . .

HUISBYEENKOMS

Sondag 15 Sept. 18:00
2 Korintiërs 4:7-5:5

Die krag van die Boodskap
ten spyte van die
boodskappers se
broosheid . . .

BREIGROEP

Ons kom weer Maandag
7 Oktober om 09:30 in die

KOMITEEKAMER
bymekaar.

Bring jou breiwerk en 'n
vriend/vriendin saam.

WOLSKENKINGS

Die breigroep doen weer 'n
beroep op lidmate om
bruikbare afvalwol vir die
brei van serpe en musse
te skenk. Bydraes kan by
die kerkkantoor afgegee
word.

PREKE OP DIE WEB

Jy kan nou preke van die
web aflaai (download) en
hoef nie meer aanlyn daar-
na te luister nie.

Besoek gerus

SELFDEGESAGVERHOUDINGS

Die kerkraad het die na aanleiding van heelwat navrae weer besin oor die gemeente se standpunt rakende selfdegeslagverhoudings.

Stellenberg poog om diverse menings in hierdie saak te re-spekteer en wil daarom nie lidmate wat van hierdie standpunt verskil, vervreem nie, maar eerder akkommodeer. Ons vertrou dat ons as gemeente verenig sal bly in ons strewe om as getuies van Christus te leef. Besoek gerus ons webwerf om die mees on-langse kerkraadsbesluit en alle ander ondersteunende inligtingstukke oor die saak te lees. Harde kopieë is in die kerk se voorportaal beskikbaar. Kontak gerus 'n kerkraadslid, of leraar indien u die saak verder wil bespreek.

Ds. Callie Visagie, namens predikante en kerkraad

TAIZÉ-KONFERENSIE 25 TOT 29 SEPT.

Die Taizé-gemeenskap is 'n ekumeniese monnikebediening met 'n sterk fokus op vrede en geregtigheid deur gebed en meditasie. Deesdae besoek tot 100 000 jongmense die dorpie jaarliks. Vanaf 25 tot 29 September hou die Taizé-bediening 'n konferensie in Kaapstad. Stellenberg is in samewerking met Sonstraal-gemeente as sentrale huisvestingspunt vir ongeveer 16 konferensiegangers, waarskynlik grootliks jongmense uit Afrika. Kontak asb. vir ds. Marius Breytenbach by marius@stellenberg.co.za/ 082 376 6053 indien jy kursusgangers kan huisves.

BULLETINVOERS

Ons benodig helpers wat een Vrydagoggend per maand vanaf 10:00 tot 12:00 met die vou van bulletins behulpsaam kan wees. Lekker tee/koffie en koekies word bedien. Kontak Sanèl by 021 976 4519 indien jy kan help.

GEMEENTEKAMP

Vanaf 29 Nov. tot 1 Des. by die *Guano Cave Resort*, Montagu. Bespreek jou staanplek by die kampeerterrein en dui asseblief aan dat jy deel van Stellenberg-gemeente se blokbespreking is. Kontakbesonderhede: 084 553 4187 of www.montaguguanocave.co.za.

STELLENBERG ONDERSTEUNING- SENTRUM

SOS bied berading en mediasiedienste deur professionele persone aan. Daar is kliniese sielkundiges, mediators, spraak- en arbeids-terapeute, asook 'n musiekterapeut beskikbaar.

Afsprake kan tussen 09:00 en 12:00 by 021 976 8029

gemaak word, of skakel die sentrumbestuurder Rudolph van Schoor by 082 854 4530.

EDELWEISS PANNEKOEK
Edelweiss bak op Vrydag 30 Aug. pannekoek. Plaas asb. voor 28 Aug. jou bestelling by ontvangs 021 976 1150.

SNAPSCAN SKANDERINGSKODE

